

STANDARDNO OROČENI DEPOZIT

→ Reprezentativni primjer

- Ovaj informacioni list je urađen prema reprezentativnom primjeru za iznos i valutu depozita 10.000 KM i rokom trajanja ugovora 24 mjeseca.

→ Karakteristike

- Oročeni štedni ulog je novčani depozit koji klijent polaže kod banke kao štedni ulog i oročava ga na određeni period. Banka sa ulagačem zaključuje Ugovor o oročavanju sredstava na određeno vrijeme, a u zavisnosti od dužine roka oročenja, valute, visine depozita, ugovara se pripadajuća kamatna stopa.

→ Korisnici

- Domaća fizička lica rezidenti,
- Strana fizička lica nerezidenti,
- Maloljetni klijenti (rezidenti, nerezidenti, lica mlađa od 18 godina) za koje račun mogu otvoriti zakoniti zastupnici (roditelji),
- Lica pod starateljstvom (punoljetna, maloljetna) za koje račun mogu otvoriti zakonski staratelji, Udruženja zajednice (razredne zajednice, grupe građana, fondacije), koje na temelju statuta, rješenja registracije, zapisnika ili drugog akta imaju pravo otvoriti račun/kasu uzajamne pomoći.

→ Preduslov za korištenje usluge

- Otvoren štedni račun po viđenju – a vista račun, uz obavezu zaključenja posebnog ugovora.

→ Minimalni iznos pologa depozita

- Jednokratna uplata bez maksimalnog iznosa.

Minimalan iznos oročenja je:

- Za KM oročenja KM 2.000
- Za EUR oročenja EUR 1.000
- Za oročenja ostalim valutama iznos protuvrijednosti 2.000 KM.

→ Iznos i valuta pologa depozita

- 10,000.00 KM

→ Trajanje ugovora

- Štednja na rok: **24 mjeseci/a** uz mogućnost automatskog obnavljanja (iznos glavnice na isti/prvobitni rok oročenja) uz primjenu važećih kamatnih stopa u momentu obnavljanja ugovora.

→ Pojam nominalne i efektivne kamatne stope

- Nominalna kamatna stopa : **0.60 %**

Nominalna kamatna stopa predstavlja osnovnu kamatnu stopu u koju nisu uračunati troškovi naknada i provizija koje banka zaračunava deponentu kod polaganja depozita

- Efektivna kamatna stopa : **0.60 %**

Efektivna kamatna stopa predstavlja visinu nominalne kamatne stope na depozit uvećanu za iznose naknada provizija koje Banka zaračunava deponentu kod polaganja depozita, te troškove naknada provizija u toku perioda važenja ugovora koji su poznati na dan izračunavanja EKS.

→ Vrsta kamatne stope

- Fiksna kamatna stopa.

→ **Način i metoda obračuna kamate**

- Obračun kamate se vrši mjesečno, počevši od datuma oročavanja sredstava.
- Prosti metoda obračuna kamate - stvarni broj dana u godini.
- Obračunata kamata se prenosi mjesečno, na dan obračuna, na posebnu partiju depozita po viđenju kojom deponent može slobodno raspolagati.
- Isplata kamate se vrši u valuti oročenog depozita

→ **Raspolaganje uloženim sredstvima**

- Raspolaganje sredstvima po isteku ugovorenog roka oročenja.

→ **Iznos raspoložive obračunate kamate i uloženih sredstava po isteku roka oročenja**

- Iznos uloženih sredstava: **10.000,00 KM**
- Iznos kamate za cijeli period oročenja: **120,59 KM**
- Ukupan iznos koji će korisnik primiti nakon isteka perioda oročenja: **10.120,59 KM**

→ **Prijevremeni raskid/izmjena uslova/odustajanje od ugovora**

- Prijevremeni raskid oročenja nije moguć, osim u svrhu ugovaranja namjenski oročenog depozita i u izuzetnim slučajevima uz podnošenje pismenog zahtjeva i uz navođenje razloga prijevremenog raskida. Uz pismeni zahtjev, deponent je dužan priložiti i adekvatnu dokumentaciju koja se odnosi na razlog prijevremenog raskida oročenog depozita kao i pisanu instrukciju o načinu disponiranja sredstvima.
- Pod izuzetnim slučajevima se smatraju nepredviđene okolnosti uslijed kojih Deponent ima potrebu za prijevremenim raskidom oročenog depozita.
- Nepredviđene okolnosti mogu biti sljedeće: smrt užeg člana porodice, iznenadna bolest Deponenta ili užeg člana porodice, vandredno školovanje, nezgode koje su uzrokovale tjelesne povrede, posljedice razbojništva koje se ogledaju u otuđenju imovine, prekid radnog odnosa, kupovina nekretnine, trajno iseljenje iz zemlje, nepogode izazvane prirodnom silom (zemljotres, požar, poplava i sl.).
- U skladu sa uredno dostavljenom dokumentacijom kod prijevremenog raskida oročenja ili izmjene ugovorenih uslova u svrhu ugovaranja namjenski oročenog depozita i u izuzetnim slučajevima Deponentu se vrši isplata, odnosno usmjeravanje sredstava na jedan od sljedećih načina:

a. Prijevremeni raskid u izuzetnim slučajevima kod ugovora o oročenju sa rokom do 12 mjeseci

U slučaju prijevremenog raskida Ugovora o oročenom depozitu na deponovana sredstva koja se razročavaju, vrši se obračun po kamatnoj stopi koja se primjenjuje na depozite po viđenju za datu valutu oročenja i to od dana oročavanja sredstava, a zaključno sa danom koji prethodi danu isplate odnosno raskida Ugovora.

Ukoliko je ranije obračunata kamata isplaćena, za razliku prethodnog i novog obračuna umanjuje se glavnica depozita.

b. Prijevremeni raskid u izuzetnim slučajevima kod ugovora o oročenju sa rokom na 12 mjeseci i više

U slučaju prijevremenog raskida Ugovora o oročenom depozitu, prije isteka perioda oročenja, na deponovana sredstva koja se razročavaju priznaje se obračunata kamata po kamatnoj stopi iz Odluke o kamatnim stopama koja je važila na datum otvaranja oročenja za postignuti period oročenja, odnosno najbliži postignuti period oročenja.

Prethodni stav odnosi se samo na depozit sa rokom oročenja na 12 mjeseci i više kod kojih je istekla najmanje jedna polovina perioda oročenja u kojem se dešava raskid Ugovora, a u suprotnom se primjenjuje kamatna stopa koja važi za depozite po viđenju za datu valutu oročenja i to od dana oročavanja sredstava, a zaključno sa danom koji prethodi danu isplate.

Ukoliko je ranije obračunata kamata isplaćena, glavnica depozita se umanjuje za razliku prethodnog i novog obračuna.

c. Prijevremeni raskid ili izmjena uslova oročenja u svrhu ugovaranja namjenski oročenog depozita

Kod zaključenja Ugovora o namjenski oročenom depozitu usljed čega se izuzima cijeli iznos ili dio iznosa glavnice oročenja kao obezbjeđenje po odobrenom kreditu / garanciji / kartici, na deponovana sredstva koja se razoročavaju priznaje se ukupan iznos do tada obračunate kamate.

→ **Naknade**

- Naknada za otvaranje, vođenje i zatvaranje računa:
 - Bez naknade

→ **Posebne informacije**

- **Pravo na nacrt ugovora**

U pregovaračkoj fazi klijent ima pravo da dobije besplatnu kopiju nacrtu Ugovora, izuzev ako Banka ocijeni da ne želi zasnovati odnos sa klijentom u konkretnom pravnom poslu.

- **Period važenja podataka**

Svi podaci i uslovi navedeni u ovom informacionom listu važe 15 dana od datuma preuzimanja informacionog lista, a poslije toga samo ukoliko Banka prihvati produženje što se utvrđuje zaključenjem Ugovora.